

han-hemen

Yoko Onok esan du bizitza bere obra baino «harrigarri eta bitxiagoa» dela

John Lennon abeslariaren alargun Yoko Onok, bere argazki, pintura, film eta audio dokumentuak abangoardistak izan arren, «errealitatea bera, eta gaur egungo bizitza bera ere, nire obra baino harrigarri eta bitxiagoak» direla esan zuen atzo, Vienan (Austria) eskaintako prentsaurrekoan. Bakearen aldeko apustua egin behar dela esan zuen 69 urteko artistak, «gatazkek jendea hil eta zoritxarra besterik ez baitute ekartzen». Onoren ustez, «irailaren 11ko gertaerek momentu politiko berezi eta interesgarria ekarri digute, intentsitate handikoa». Hala ere, «bizitzaz gozatzen» jarraitzen duela adierazi zuen, «bizitza bera zoragarria baita».

Teknikarien grebak 'Pancho Villa' lanaren filmaketa atzera dezake

Egunotan Mexikon filmatzen ari diren *And starring Pancho Villa as himself* lanak atzerapenak izan ditzake, lan taldeko teknikariek greba mehatxua egin dutela eta. Antonio Banderas aktore espainiarra da filmeko antzezle nagusia. «Greba mehatxu honek ez gaitu kezkatzen», adierazi du filma ekoizten ari den etxeak, HBOk. Dirudienez, ekoiztetxeak hainbat langile kaleratu dituelako antolatutako greba teknikariek. Urriaren 7an hasi ziren filmatzen, San Miguel de Allende herrian (Mexiko).



YOSHIKAZU TSUNO / EPA

'Aurpegia ezagutzeko' sistema aurkeztu dute

Japoniako NEC informatika etxeak aurpegia ezagutzeko sistema berria aurkeztu du, 'Neo Face' izenekoa. Asmakizun horrek atzean utzi ditu orain arteko segurtasun sistema erabilienak; besteak beste, begiaren irisa eta hatz markak ezagutzen zituzten sistemak.



NATACHA PISARENKO / AP

Red Hot Chili Peppers taldeak 'By the Way' lana aurkezten dihardu

Estatu Batuetako Red Hot Chili Peppers taldeak kontzertua eman zuen iragan asteazkenean, Buenos Airesen (Argentina). Taldea mundu osoko biran ari da, *By the Way* izeneko azken lana aurkezten.



SUZANNE PLUNKETT / AP

Ralph Laurenek Urteko Gizonaren saria jaso du New Yorken

Urteko Gizonaren saria Ralph Lauren jostun estatubatuarra jaso du aurten. Asteazkenean egin zuten sari banaketa, New York hirian, eta familiarekin azaldu zen Lauren diseinatzailea.

Habsburgoko Ottok hainbat agintarirekin ospatuko du 90. urtebetetzea

Habsburgoko Otto artxidukeak 90 urte beteko ditu urriaren 20an, eta urtebetetze ospakizuna hainbat estatutako agintarien artean egiteko asmoa du. Festa Vienan (Austria) izango da, Hofburg aretoan, eta Europa osoko gobernuburu eta presidentek izango dira bertan. 1.300 pertsona inguru gonbidatu ditu Ottok: besteak beste, Suediako errege-erreginak, Eslovakiako presidentea Rudolf Schuster, Mazedoniako presidentea Boris Traykovski eta Bulgariako errege Simeon.

Hegazkin pilotu batek aginte-kabina utzi behar izan du, alkohola hartzeagatik

Continental Airlines konpainiako hegazkin pilotu batek gidatu behar zuen hegazkinetako aginte-kabina utzi behar izan zuen asteartean, Polizia Federalak alkoholaren eraginpean egoteaz salatu ostean. Houstonen (Texas) gertatu zen, pilotua Orlandora (Florida) abiatzeko zela.

Jordi abeslariak lan berria plazaratu du

1997. urtean *Desesperadamente enamorado* lanarekin ezaguna egin zen abeslari espainiarra, Jordik, hirugarren lana plazaratu berri du, *Tú no sospechas* izenekoa. Lan hau Sony etxearekin grabatu duen lehena da, eta, abeslariaren ustez, bere «ibilbideko lanik helduena» da.

hilberriak

ESKELAK

Gaueko 9ak arte hartzen dira



(0034) 943 300 222

publi@egunkaria.com



Jose Maria
Arrieta
Galdos

Kantaz eta eresiaz daramate zerura,
Inongoikoak prometatutako zioen ostatura.

Ioannes Etxeberri Ziburukoa

ZURE FAMILIA

2002ko urriaren 17an